



ÜTETI NI  
UUNIN  
MATI

RIANDIKITWO NI WATSON GOODMAN

KABUKU SAKA TIGAMMUN

**Kabuku gaka “ŪTEITHIO UUMITE MATU-INI”**  
gathondeketwo kari kanyinyi nīguo ūhote gūgakua mū-  
huko-ini waku ūgathomage rīria ūtari na wira ūraruta  
kana wetereire ngari. Maūdū maria maandikītwo ho  
mathurītwo kuuma thīni wa Ibuku rīa Ngai tondū  
nīho hangioneke ciugo itari mūdū ūngīcīkararia.

Mūgambo wa Ngai “uumaga matu-ini” naguo nī wa  
bata mūno hari ngoro ciitū iria ihūtī o na ikanyota nī  
ūdū wa ūthingu wa ngoro. Mūdū o wothe arīkia kūhe-  
ra mehia make na ma, na etīkia Mūhonokia, o We Jesu  
Kristo, na ngoro yake yothe-rī, Mwathani nīarīmwiyonī-  
thagia thīni wa ngoro yake o na amūhe gīkeno gīake na  
thayū thīni wa mwītīkia ūcio. Ndahonokirio nī Mwa-  
thani 1937, na kuuma hīndī io ndūūruga tūrī na ngwata-  
nīro nake. Nīngūkūringīrīria na ngoro yakwa yothe  
atī wakorūo ūtari wahonokio nī Mwathani ūhonokio o  
RIU, tondū nīwe ūhonokagia ehia othe. — Watson Goodman

# WENDANI WA NGAI

1

**Jeremia 31:3**

Nake Jehova aanyumiriire kuu kūrāya akinjira ūū: Ti-itherū ngwendete wendo ūrīa ūtūūraga tene na tene; tondū ūcio no ngīrī-rīrie gūgwika maūdū ma ūtugi.

**Johana 3:16**

Amu Ngai, tondū wa ūrīa endete kīrīndī gīa gūkū thī, nīaarutire Mūrū wake wa mūmwe, nī getha mūdū o wothe ūmwīhokete ndakore, no agīe muoyo wa tene na tene.

**Aroma 5:8**

No rīrī, ūndū ūrīa Ngai onanī-tie ūtwendi wake naguo-rī, nī ūyū,

atī Kristo aatūkuiriire rīrīa twa-tūire tūrī o ehia.

**Johana 13:1**

Na rīrī, gīathī kīa Bathaka gīa-tua gūkinya, Jesu nīoī hingo yake nī nginyu oime gūkū thī athī gwī lthe witū, na tondū nīendete andū ake mwene arīa maarī gūkū thī, nī kūmenda aamendaga nginya o kīrīkīrīro.

**Kūguūrīrio 1:5**

Na kūrī Jesu Kristo, mūira ūrīa mwīhokeku, o we irigithathi rīa arīa akuū, na nowe mwathi wa athamaki a thī. O we ūcio ūtwenda, na watuohorire na thakame yake tuume mehia-inī maitū.

## 1 Timotheo 3:16

Na riri, hatiri nganja ati uhoru wa kwiamurira Ngai ni hito nene ma: naguo ni wake o We, Uria wonanirio e na mwiri, Agituwo muthingu ni Roho, Akionwo ni araika, Ningi ngumo yake ikihunjanirio kuri andu a nduriri ciothe, Agiguitikio ni andu a guku thi, Na akiiyukio riri-ini kuria Iguru.

## Johana 1:1 na 14a

O kiambiriria-ri, Uhoru wari o kuo, naguo Uhoru watuire o hari Ngai, o naguo Uhoru wari o Ngai. . . We, Uhoru-ri, agigituika mundu, agituirania na ithui. . .

## Mathayo 1:22, 23

Na riri, maundu macio mekiruo ni getha ciugo iria cioigiruo ni Mwathani na kanua ka munabii ikinye, riria oigire atiri: Onei, muritu niakagia ihu, na aciare kabii, Nako gatuwo Imanueli; uguo naguo ugitauro, ni kuuga, Ngai hamwe na ithui.

## Johana 14:9, 10a

Nake Jesu akimwira atiri, Githi nduire na inyui hingo iigana uu, nawe, Filipu, ukaaga ku'menya? mundu unyonete ni nionete Ithe witu; ni atia tondu wanjira, Tuonie Ithe witu? Kai utetikitie ati ni ndi thini wa Ithe witu, nake Ithe witu e thini wakwa? . . .

# JESU, MWANA WA NGAI

3

**Akolosai 2:9**

Nĩ gũkorũo ũiyũru wothe wa Ūngai nĩtũire thĩinĩ wake arĩ na mwĩrĩ.

**Isaia 9:6**

Nĩ gũkorũo nĩtũciarĩrũo kaa-na, tũkaheo kahĩ, naguo wathani ũkagĩa ciande-inĩ ciako; nako gagetagwo Mũheani-Kĩrĩra-wa-Kũgegania, Mũrungu-Mwene-Hinya, Ithe-wa-Andũ-wa-Tene-na-Tene, Mũnene-wa-Thayũ.

**Luka 1:35**

Nake mũraika akĩmũcokeria akĩmwĩra atĩrĩ, Roho Mũtheru nĩagoka kũrĩ wee, naguo hinya wa Ūrĩa-wĩ-Igũrũ-mũno nĩũga-

kũringithia kĩĩgunyĩ: na nĩ ũndũ wa ũhoru ũcio, karĩa gagaciarũo nĩgagatuwo gatheru, o Mũrũ wa Ngai.

**Mathayo 17:5**

O akĩaragia-rĩ, hagiũka itu rĩ-kengu, rĩkĩmahumbĩra: na atĩrĩ, mũgambo ũkiuma itu-inĩ, ũkiuga atĩrĩ, Ūyũ nĩwe Mũrũ wakwa ũrĩa nyendete mũno, nĩngenaga mũno nĩwe; mũiguagei.

**1 Johana 4:15**

Mũndũ o na ũrĩkũ wa gwĩtĩkia atĩ Jesu nĩ Mũrũ wa Ngai-rĩ, Ngai nĩatũire thĩinĩ wake, nake nĩatũire thĩinĩ wa Ngai.

## JESU GÖTWIRA NĪWE-Ū

**Johana 8:23**

Nake akīmera, Inyuī mūrī a na thī, niī ndī wa na igūrū; inyuī mūrī a gūkū thī, niī ndirī wa gūkū thī.

**Johana 11:25**

Nake Jesu akīmwira atīrī, Nī niī kūrīuka na nī niī muoyo; ūrīa wī'hokete niī, o na aakua, no agatūura muoyo.

**Johana 8:58**

Nake Jesu akīmera, Ndamwira atīrī, o ma, ma, Iburahimu ataa-naciarūo-rī, niī no ndūire.

**Johana 4:25, 26**

Nake mūtumia akīmwira atīrī, Nīnjūī Mēsia nīagoka (ūrīa wī-tagwo Kristo); we oka, nīagatwī-

ra maūdū mothe wega. Jesu akīmwira atīrī, Nī ngūkwarīria, nī niī ūcio.

**Johana 6:35**

Nake Jesu akīmera atīrī, Nī niī mūgate wa muoyo; mūdū ūūkīte kūrī niī ndakabūta, na mūdū wī'hokete, niī, ndarī hingo akanyota.

**Johana 10:7**

Tondū ūcio, Jesu agīcoka akīmera atīrī, Ndamwira o ma, ma, Nī niī kīhingo kīa ng'ondū.

**Johana 13:13**

Mūnjītaga Mūrutani, na mūkanjīta Mwathani; na nī wega mūkiuga ūguo, amu nīguo ndī.

**Mathayo 14:19-21**

Akīira kīrīndī gīikare thī nye-ki-inī; nake akīoya mīgate iō itano, o na ciūngūyū icio igīrī, akīrora Igūrū, akīrathima, akīenyūranga mīgate, akīmīnengera arutwo ake, nao arutwo makīmīnengera kīrīndī. Nao andū acio othe makīrīa, makīhūna: makīoya cienyū iria ciatigarire ciondo ikūmi na igīrī ciyūire. Na arīa maarīre maarī arūme ta ngiri ithano, hatataritwo andū-a-nja na ciana.

**Luka 5:4-6**

Na aatiga kwaria, akīira Simoni atīrī, Ta twaratwara marikabu harīa hariku, mūikūrūkie ngara cianyu cia ndigi iria-inī mūtabe

ciūngūyū. Nake Simoni akīmūco-keria akīmwīra atīrī, Mūnene witū, nītūrutire wīra wa hinya ūtukū wothe, na tūtīnagwatia kīndū o na kī: no rīrī, nī ūndū wa kiugo kīu gīaku nīngūikūrūkia ngara iria cia ndigi. Nao maarīkia gwīka ūguo, magītaha ciūngūyū nyingīma; nacio ngara ciao cia ndigi igītuīkatuīka.

**Mathayo 21:19**

Na ona mūkūyū nīra-inī, agīthī harī guo, na ndaigana kuona kīndū tīga o mathangū matheri; nake akīwīra atīrī, Maciaro maroaga gūcoka gūciarūo nīwe nginya tene. Na kahinda o kau mūkūyū ūcio ūgīitīka kūhoha.

## 6 JESU KRISTO NĪ MŪŪMBI O NA MWATHANI

**Ahibirania 1:2**

Ngai. . . o matukū-inī maya ma kūrīgīrīria nīatwarīrie ithuī na kanua ka Mūriū, ūrīa aatuire mūgai wa kūgaya indo ciothe; o nacio thī ciothe aaciūmbire na njira ya Mūriū o ūcio.

**Atūmwo 2:36**

Tondū wa ūguo andū othe a Isiraeli nīmakīmenye o ki, atī Jesu o ro ūcio inyuī mwaambithirie mūtī igūrū, nīwe Ngai atuīte Mwathani o na Kristo.

**Aroma 14:9**

Amu ūhoru ūyū nīguo watūmire Kristo akue na acoke muoyo, atī nīguo atuīke Mwathani o

wa arīa maanakua na wa arīa marī muoyo.

**Johana 1:3**

Indo ciothe ikīgīa ciagīire na ūndū wake, na kīndū o gīothe kīrīa kīgīite, gūtīrī kīagīire we atarī ho, o na kīmwe.

**Akolosai 1:16**

Tondū rīrī, indo ciothe ikīūmbwo nīciombirūo na ūndū wake, iria irī Igūrū, o nacio iria irī thī; iria cionekaga o na iria itonekaga; o na ciatuīka nī itī cia ūnene kana ene wathani, kana mothamaki, o na kana mahinya, ciothe-rī, nī kīūmbwo ciombirūo na ūndū wake, nīguo ituīke ciake.



# JESU NIWE MŪCIIRI WA ANDŪ OTHE

7

**Aroma 2:16**

Gūkonwo ūguo mūthenya ūrĩa Ngai agakinyia cira wa maūdū ma hito marĩa me ngoro-inĩ cia andū, ekĩre ūhoru wamo ituĩro e thĩinĩ wa Jesu Kristo, o ta ūrĩa Ūhoru-ūrĩa-Mwega uugĩte, ūcio nũ 'hunjagia.

**Johana 5:22**

Amu-rĩ, Ithe ningĩ ndarĩ mūdū atuagĩra cira; ūtui wothe wa cira-rĩ, nĩanengerete Mūriũ.

**Aroma 14:10**

Wee nawe ūgūtũira mūrũ wa thoguo nĩkĩ? Wee o nawe-rĩ, nĩ kĩ gīgūtũma ūmene mūrũ wa

thoguo? Amu-rĩ, ithuothe no mūhaka tũkarũgama mbere ya gĩtĩ kĩa Ngai gĩa ituĩro.

**2 Timotheo 4:1**

Ndakwĩra atĩrĩ na ma, Ngai arĩ ho, o nake Kristo Jesu, o we ūrĩa ūgacirithia andū arĩa marĩ muoyo o na arĩa makuĩte, na nĩ ūndū wa ūrĩa akaguũranĩrio na athamakage.

**Mathayo 25:32**

Na ndũrĩrĩ ciothe nĩikonganio mbere yake: nake nĩagaciamũrania, o ta ūrĩa mūrĩithi aamũrana-gia ng'ondū na mbũri.

## 8 TŪKŪŪRAGWO MEHIA-INI NĪ KRISTO WIKI

### Johana 10:9

Nī niī kībingo; mūdū aatonye-  
ra harī niī, nī kūhonoka akahono-  
ka, na atonyage akiumaga, na  
onage gīa kūria.

### Johana 14:6

Nake Jesu akīmwira atiri, Nī  
niī njira, na nī niī ūhoro-ūrīa-  
wa-ma, na nī niī muoyo; gūtiri  
mūdū ūkinyaga gwī Ithe witū,  
atokiire harī niī.

### Ahibirania 7:25

Ningī nī ūndū wa ūguo, nīa-  
hotaga kūhonokia kūna kūna andū  
aria makuhagiriira Ngai mathi-  
riire harī we, kuona atī atūruga  
muoyo hīndī ciothe nīguo ama-  
hoyagire.

### Ahibirania 5:9

Na aakirikia gūtuwo mwagiri-  
ru kūna, agituika kihumo kia ūho-  
nokio ūria ūtagathira kūrī aria  
othe mamūiguaga.

### Johana 8:24

Nikio ndamwira nī gūkua mū-  
gakua mūrī o na mehia manyu;  
amu mwaaga gwitikia atī nī  
niī ūria we, mūgakua mwī na  
mehia manyu.

### Atūmwo 4:12

Naguo ūhoro wa kūhonokio  
ndūngioneke harī ūngī o na ūri-  
kū: nī ūndū atiri, gūtiri rītwa  
ringī rīanaheanwo gūkū thī kūrī  
andū ringiagiriira rīa gūtūhonokia.

# TOKŪŪRAGWO MEHIA-INĪ NĪ KRISTO WIKI 9

**Kūguūrīrio 5:9**

Na hīndī īo makīina rūimbo rūerū, makiuga atīrī, Wee-rī, nīwe mwagīrīru wa kūiyūkia mbuku, ūmethūre tūtembe tūu twayo, amu nīwathīnjirūo, ūkīgūrīra Ngai andū na thakame yaku a mīhīrīga yothe na mīario yothe na nduka ciothe na ndūrīrī ciothe.

**Akolosai 1:12-14**

Na ningī mūcokagīrie Ithe witū ngatho, we ūtūtuīte andū aiganīru a kūgayanīrio igai hamwe na andū arīa aamūre, kūrīa kwī na ūtheri. Nake nīwe watūhonokīrie agītūruta watho-inī wa nduma, agītūthamīrīria ūthamaki-inī wa

Mūriū ūrīa endete mūno. Ūcio nīwe watūkūūrīre, nī gūtūrekerā mehīa maitū.

**1 Akorintho 1:30**

No rīrī, nī tondū wake inyuī mūtuīkīte a gūikara thīinī wa Kristo Jesu, o we watuīkīre ūūgī witū uumīte kūrī Ngai, na ūthingu witū, na gūtherio, o na gūkūūrūo.

**Tito 2:14**

Nake nīwe werutire nī ūndū witū, nī getha atūkūūrē waganu-inī wothe, na atherie andū a gūtuīka ake kūūmbe, arīa marī na kīyo gīa gwīkaga maūndū mega.

## 10 GŪKŪŪRŪO NA THAKAME YA KRISTO

1 Petero 1:18, 19

Nĩ ūndũ nĩmũũĩ atĩ rĩrĩa mwa-kũūrĩrũo mūtigane na mītũūrĩre yanyu ya tũhũ ĩrĩa mwatigĩrũo nĩ maithe manyu, ti indo ibuthaga ta betha na thahabu mwakũūrĩrũo nacio; no nĩ thakame ya goro mũno, ta ya gatũrũme gatarĩ na kaũũgũ o na kana kĩmeni, na nĩyo thakame ya Kristo.

Mathayo 26:28

Nĩ gũkorũo ĩno nĩyo thakame yakwa ya kĩrĩkanĩro ĩrĩa ĩtũrũo andũ aingĩ, ya gũtũma mehia mohanĩrũo.

Ahibirania 9:14

Githĩ thakame ya Kristo, o we werutĩre Ngai, atarĩ na kaũũgũ,

na ūndũ wa Roho ūrĩa ūtũũraga tene na tene-rĩ, ndĩngĩkĩria mũno kũmũtheria thamiri cianyu nĩguo mūtigane na ciiko iria irehage gĩkuũ, na mūtungatagĩre Ngai ūrĩa wĩ muoyo?

1 Johana 1:7

No akorũo tũthiaga o na ūtheri, ta ūrĩa we arĩ ūtheri-inĩ, twĩ na ngwatanĩro, mũndũ na ūrĩa ūngĩ, nayo thakame ya Jesu Mũrũ wake nĩtũtheragia tũgathira wĩhia wothē.

Aefeso 1:7

Na nĩ thĩinĩ wake twakũūrĩrũo, nĩ ūndũ wa thakame yake, o na tũkoherũo mehia maitu kũringana na ūrĩa Wega wake ūingĩhĩte.

# ŪHONOKIO NA ŪNDŪ WA GWITIKIA KRISTO 11

**Johana 20:31**

No icio nīciandikītwo nī getha mwītīkie atī Jesu nīwe Kristo, Mūrū wa Ngai; na tondū wa gwītīkia mūgie na muoyo na ūndū wa rītwa riake.

**Johana 6:28, 29**

Nao magikīmūūria atīrī, Twīkage atīa, nīguo tūtūike nī mawīra ma Ngai tūraruta? Nake Jesu agīcokia akīmera, Wīra wa Ngai nī rīrī, nī mwīhoke ūria areketie.

**Aroma 5:1**

Ni ūndū ūcio-rī, kuona atī nī-tūtūitwo athingu nī ūndū wa gwītīkia-rī, nītūikarage o tūiguaine

na Ngai nī ūndū wa kūiguithanio nake nī Mwathani witū Jesu Kristo.

**Aefeso 2:8, 9**

Nī ūndū-rī, nī Wega wa Ngai watūmire mūhonokio nī ūndū wa gwītīkia; naguo ūndū ūcio ndwo-imanire na inyuī inyuene: no kūheo mwabeirūo nī Ngai: na ndwakiumanire na mawīra marīa mwanaruta, nī getha mūdū o wothe ndakanegooce.

**1 Johana 5:4**

Nī gūkorūo kīria gīothe gīciarītwo nī Ngai nīgītoragia ūhoru wa gūkū thī; naguo ūtoria ūria ūtoretie ūhoru wa thī nī atīrī-rī, nī gwītīkia gwitū.

**Thaburi 103:17**

No rĩrĩ, ūtugi wa Jehova ūtūũ-  
raga harĩ arĩa amwĩtigĩri kuuma  
o tene na nginya tene na tene,  
naguo ūthingu wake ūkinyagĩrĩra  
ciana cia ciana ciao.

**Tito 3:5**

Nĩ kũhonokia aatũhonokirie, ti  
tondũ wa cũko iria tweekaga ithue-  
ne cia gwĩtua athingu, no nĩ ūndũ  
wa tha ciake, nĩ gũtũthambia o  
gũthambio kũrĩa gũtũmaga mũ-  
ndũ aciarũo rĩngĩ na erũhio na  
Roho Mũtheru.

**Mika 7:18**

Nĩ Mũrungu ūrĩkũ ūtarũ tawe,  
ũrĩa wohanagĩra ūũru, o na aga-

kiranĩra ūũru wa kwagarara wa-  
tho wa matigari ma andũ ake, o  
arĩa egwatĩire igai?

**Macakaya 3:22, 23**

Atĩ nĩ ūndũ wa mĩtugĩre ya  
Jehova, nĩkĩo tũtaninĩtwo biũ!  
nĩ gũtuĩka tha ciake itirĩ hĩ-  
ndĩ ithiraga. Mĩtugĩre yake ĩro-  
kaga ĩrĩ o mĩerũ rũcinĩ o rũci-  
nĩ; kwĩhokeka gwaku-rĩ, nĩ kũ-  
nene mũno.

**Thaburi 108:4**

Nĩ gũkorũo ūtugi waku nĩ mũ-  
nene, ūgakinya o mbere ya igũrũ,  
ningĩ ūhoro waku wa ma ūgagĩ-  
kinya o kũrĩa matu-inĩ.

**Mathayo 11:28**

Ūkai kūrī nī inyuothe anogu,  
na inyuī mūtīkīte mīrigo mīne-  
ne, na nīngūmhurūkia.

**Isaia 1:18**

Rīu-rī, gīukei tūcīre; ūguo nī-  
guo Jehova ekuuga. O na harīa  
mehia manyu matunīhīte ta gaka-  
rakū-rī, nīmagathera o ta ira; o  
na maatuīka matunīhīte o ta tha-  
kame, nīmakerūha o ta guoya wa  
ng'ondū.

**Isaia 55:1**

Atīrīrī, inyuī inyuothe arīa  
mūnyotī-rī, ūkai maī-inī. O nake  
ūrīa ūtarī na mbia nīoke; gūrai  
rīrio, mūrīe. Ī-ni, ūkai mūgūre

ndibei, o na iria, mūtārī mbia  
mūkūruta, o na kana kīndū gīa  
thogora.

**Kūguūrīrio 22:17**

Nake Roho o nake mūhiki me-  
kuuga, Ūka. Nake ūrīa ūkūigua  
nīoge, Ūka. Nake ūrīa ūnyotī,  
nīoke; o ūrīa ūkwenda, nīaamū-  
kīre maī marīa ma muoyo, ate-  
kūgūra.

**Johana 7:37**

Na rīrī, mūthenya wa kūrīkī-  
rīria, nīguo mūthenya ūrīa mū-  
nene wa gīathī kīu, Jesu nīaarū-  
gamire, akīanīrīra, akiuga atī-  
rīrī, Mūndū ūnyotī-rī, nīoke  
kūrī nī, anyue.

## 14 TI ANDŪ OTHE MART CIANA CIA NGAI

**Aroma 8:14, 15**

Nĩ gũkorũo andũ arĩa othe matongoragio nĩ Roho wa Ngai, acio nĩo ciana cia Ngai. Amu mũtiaheirũo roho wa gũtũma mũcoke kũigua ta mũrĩ ngombo, mwĩtigagĩre; mwaheirũo roho wa gũtũma mũmenye atĩ mũrĩ ciana ciake cia kwĩrererũo, na nĩguo ũtũmaga twanĩrĩre tũkoiga, Abba, Baba!

**Afilipi 2:15**

Nĩ getha mũtuĩke andũ mata-ngĩcukĩka na maagĩte ũũru, o ciana cia Ngai itarĩ na kaũũgũ, mũtũũranĩtie na andũ a rũciaro rũrĩ ruogomu na rũtũrĩku; na rĩrĩa mũrĩ hamwe nao. muonagwo

ta mũrĩ motheri-ma-igũrũ ma-theragĩra gũkũ thĩ.

**Johana 1:12**

No arĩa othe maamwĩtikĩre, nĩo arĩa mehokete rĩitwa rĩake, acio akĩmahotithia gũtuĩka ciana cia Ngai.

**2 Akorintho 6:17, 18**

Tondũ wa ũguo-rĩ, Umai thĩinĩ wao, mũikare mwĩamũrĩte kũrĩ o, ũguo nĩguo Mwathani oiga, Na mũtikanahutie kĩndũ kũĩ tba-hu; Na nĩ nĩngũmwĩtikĩra, Na nĩngũtuĩka Ithe wanyu, O na inyuĩ mũtuĩke ariũ akwa na aarĩ akwa, ũguo nĩguo Mwathani Mwene-hinva-wothe oiga.



## NGAI-RI, OIGAGA ATIA NI ÜNDÜ WA NJOHI? 15

**Thimo 20:1**

Ndibei nĩ mündũ mütendi, njohi-rĩ, nĩ mündũ wa ngũĩ, nake ũrĩa ũngĩhĩtithio nĩyo, o ũrĩkũ, ti mũũgĩ.

**Agalatia 5:19-21**

Na rĩrĩ, maündũ ma kũmwĩrĩ marĩa mekagwo nĩmoĩo o wega, namo nĩ maya: ũmaraya, na merirĩria mathũku, na ũũra-thoni, na kũhoya mĩhianano, na kũrogana, na ũthũ, na kũũgitana, na ũiru, na marakara, na ngarari, na kwamũkana, na morutani ma-hĩtanu, ningĩ gũcumĩkĩra, na kũrĩwo, na maruga marĩa mainagĩ-

rũo nyĩmbo itaagĩrĩire, o na maündũ mangĩ ta macio: naho ha ũhoru wamo-rĩ, ngũmwĩra na ma, o ta ũrĩa ndamwĩrire na ma rĩa mbere, atĩ andũ arĩa mekaga maündũ ta macio, matikagaĩrũo ũthamaki wa Ngai.

**Thimo 23:31, 32**

Atĩrĩ, wee-rĩ, tiga kũbara ndibei o na yagĩtunĩha, na yakorũo nĩirakengakenga ĩrĩ gĩkombe-inĩ, na yatuĩka nĩnyorokaga wega ĩkĩmerũka: Amu mũthia-inĩ, nĩ kũrũmana ĩrũmanaga ta njoka, kũratha ĩkarathana o ta nduĩra.

**Mathayo 22:37, 38**

**Nake akīmūcokeria atīrī, Enda Mwathani Ngai waku na ngoro yaku yothe, na muoyo waku wothē, na gwīcīria gwaku guothe. Rīu nīrīo rīathani rīrīa inene, na rīa mbere.**

**Mariko 10:17-22**

**... Mūrutani mweга, nī atīa ingīika nī getha ngagae muoyo wa tene na tene? Nake Jesu akīmūcokeria atīrī, Ūkūnjīta mweга nīkī? gūtīrī mweга tiga o ūmwe, nīwe Ngai. Ndūūī maathani, atī Ndūkanoragane, Ndūkanatharanie, Ndūkanaiye, Ndūkanaigīrīre mūdū kīgenyo, Ndūkanahenanie, Tīa thoguo na nyūkwa? Nake**

**akīmwīra atīrī, Mūrutani, maūndū macio mothe ndūire ndīmarūmītie nginya ndī o mūnyinyi. Nake Jesu, aamūrora, akīmwendā, akīmwīra atīrī, Nīkūrī ūndū ūmwe ūtigairie: nī rīrī, thū, ūkēndie indo ciothe iria wī nacio, ūhe arīa athīni, na nīūkagīa na ūtonga Igūrū: na ūūke, ūnūmīrīre. Nowe agītuka gīthiithi aagīgua ūhorō ūcio, agīthū e na kīcha: nī gūkorūo nī mūdū warī na indo nyingī.**

**Thimo 16:25**

**Kwī njīra mūdū onaga ta arī yo nūngarū, no gīturi kīayo nī mīrigo ya gūtonya gīkuū-inī.**

## 1 Johana 3:7, 8a

Twana twakwa, mūtikanareke mūdū amūhītithie; ūrīa wīkaga maūdū ma ūthingu nīwe mūthingu, o ta ūrīa we nake e mūthingu; ūrīa wīhagia nī wa mūcukani, amu mūcukani atūire ehagia kuuma o kīambīrīria.

## 1 Akorintho 6:9, 10

Kana hibi mūtiūi atī andū arīa mekaga ūūru gūtirī ūngīgaya ūthamaki wa Ngai? Menyai mūkanaheneka: ahūrimaraya-rī, kana ahoi-mīhianano, kana itharia, kana arīa metuaga ta aka, kana arūme arīa magwataga arūme

arīa angī-rī, kana aici, kana andū a riitho iraya, kana arīa arīu, kana arumani, o na kana ahabanyirī, acio othe gūtirī ūkagaya ūthamaki wa Ngai.

## Aefeso 5:6

Menyai mūhenio nī mūdū na ciugo cia tūhū: nī gūkorūo maūdū macio nīmo matūmaga marakara ma Ngai makinyirīre rūciaro rūrīa rūa andū aremu.

## Jakubu 1:22

Indī tuikai andū a gwīkaga ūhoro ūrīa mūiguīte, na mūtiguatūke o a kūiguaga mūtekūwīka, mūkīhenagia inyuene.

Luka 15:32

No rĩrĩ, nĩkwagĩrĩire tũcanja-  
mũke na tũkene; nĩ gũkorũo  
ũcio mũrũ wa nyũkwa ararĩ  
mũkuũ, na nĩ mũriũku; ningĩ nĩa-  
rorĩte, na nĩacokete kuoneka.

Thimo 11:19

Ūrĩa ūrũmainie na ūthingu, we  
nĩagakinyĩrĩra muoyo, nake mũ-  
thingatani na ūũru nĩ gũkua gwa-  
ke mwene athĩĩgĩtie.

Ezekieli 18:20

Roho ūrĩa wĩhagia noguo ūga-  
kua; no rĩrĩ, mũriũ ndagacokere-  
rũo nĩ ūũru wa ithe. o na kana

mũthuri acokererũo nĩ ūũru wa  
mũriũ; ūthingu wa mũndũ ūrĩa  
mũthingu nowe mwene ūgaco-  
kererũo nĩguo, nago waganu wa  
mũndũ ūrĩa mwaganu nowe ūga-  
cokererũo nĩguo.

Aroma 8:6

Amu kũrũmĩrĩra meciria marĩa  
moimanaga na mwĩrĩ kũrehana-  
gĩre gĩkuũ: no rĩrĩ, kũrũmĩrĩra  
meciria marĩa moimaga kwĩ Roho  
kũrehanagĩre muoyo, o na thayũ.

Jakubu 1:15

Namo merirĩria macio maagĩa  
ihu-rĩ, maciaraga wĩhia: nago  
wĩhia wakũra-rĩ. ūgaciara gĩkuũ.

**Johana 11:43, 44**

Na aarīkia kuuga ūguo, akīa-nīrīra na mūgambo mūnene, akiuga, Lazaro, uma. Nake ūcio warī mūkuū akiuma, e mūthae moko na magūrū na matama; naguo ūthiū nīaarigicīirio gītambaya. Nake Jesu akīmera atīrī, Muohorei, mūreke athiī.

**Johana 10:17, 18**

Nīkīo Ithe witū anyendete, nī ūndū ngūruta muoyo wakwa, nī getha njoke ndīūiyūkie rīngī. Gūtirī mūdū ūkūdunya; nī nī ngūūruta, nī mwene. Ndī na rūtha ndīūrute, na ningī ndī na rū-

tha njoke ndīūiyūkie rīngī. Nīndaathirūo ūguo nī Awa.

**Kūguūrīrio 1:18**

Nī nī Ūrīa-wī-muoyo; na nīndakuīte, na nī nī ūyū, ngūtūūra muoyo kinya o tene na tene, nacio ihingūro nī nī ndī nacio cia gīkuū na cia kwa-ngoma.

**Luka 7:14, 15a**

Agīthengerera hakuhī akīhutia gītanda: nao akuui akīo makīrūgama. Agīcoka akiuga atīrī, Kamwana gaka, nīndakwīra atīrī, Ūkīra. Na rīrī, mūdū ūcio warī mūkuū agīūkūra agītīka kwaria.

## Gücokerithia Maathani

5:7-21

Ndükanagié na ngai ingi tiga nü.

Ndükanethondekere mübianano mwacübie, wa mübianire wa kindü o gïothe gïi kürïa igürü, kana wa kindü gïi gükü thï, kana wa kindü kïi maï-inï maria me mühuro wa thï; ndükanaciinamï-rïre kana ücitungatïre. . .

Ndükanagwete rïitwa rïa Jehova Ngai waku na itherü, ni gükorüo Jehova ndakoiga atï mündü ndehïtie üria ügwetaga rïitwa riake na itherü.

Menyagïrïra müthenya wa thabatü üwamürage, o ta üria Jehova

Ngai waku aagwathire. Rutaga wïra müthenya itandatü, ügeka maündü maku mothe; no müthenya wa mügwanya ni thabatü ya Jehova Ngai waku. . .

Tïa thoguo na nyükwa, o ta üria Jehova Ngai waku aagwathire wïkage. . .

Ndükanoragane.

O na kana ütharanie.

O na kana üiye.

O na kana üigïrïre mündü üria üngi kïgenyo.

O na kana ücumïkïre müka wa mündü üria üngi; kana ücumïkïre nyumba ya mündü üria üngi, kana gïthaka gïake, kana ndungata yake ya mündü mürüme, kana

ya mündū-wa-nja, kana ndegwa yake, kana ndigiri yake, kana kī-

ndū o na kī kīa mündū ūria ūngī.

## NDŪNGITHOTA KWITHITHA NGAI

21

Luka 8:17

Nī gūkorūo gūtiri ūndū mūrinde ūtakonano wega; kana ūhoro mūhithe ūtakamenyeka na uumirio.

Jeremia 23:24

Anga he mündū ūngihota kwihitha handū habitharu mūno na njage kūmuona? Ūguo nīguo Jehova ekūūria. Githī ndiyyūrīte kūdū guothe igūrū na thī? Ūguo nīguo Jehova ekūūria.

Ayubu 34:21, 22

Nī gūkorūo maitho make nī

gūcūthīrīria macūthagīrīria mīthiire ya mündū, agakionaga ikīro ciake ciothe. Gūtiri nduma, kana handū o na hairite ta gīkuū, harīa eki a waganu mangīhitha naho.

Thaburi 139:8 na 12

Ingīhaica ndonye o kūu igūrū, wee nīkuo ūrī; ingīara ūrīrī wakwa kwa ngoma, ningī ūrī o kuo. ... O na nduma nayo, harī wee ti nduma kūrī, ūtukū-rī, ūcangararaga o ta mūthenya; nduma na ūtheri no ūndū ūmwe harī wee.

## 22 ANDU ARĪA EHIA MAGATŪŪRA MAHERITHAGIO

**Thaburi 9:17**

Andū arīa aaganu-rī, nī gūcoka magacoka kwa ngoma, ĩi-ni, ndū-rīrī ciothe iria iriganagīrūo nī Ngai.

**Mathayo 18:8**

Na kūngītuīka atī guoko gwaku kana kūgūrū gwaku nī gwa gū-kūhīngithia, gūtinie, ūgūte; nī kaba gūtonya muoyo-inī wī kīo-nje kana gīthua, kūrī gūikio mwaki-inī ūrīa ūtahorekaga, wī na moko merī kana magūrū merī.

**Mathayo 13:41, 42**

Mūrū wa mūdū nīakarekia araike ake, nao nīmagacokereria maūdū mothe marīa mahīngi-

thagia andū, o na andū arīa me-kaga ūūru, moimio kūrīa aathana-ga, mamaikie icua-inī rīrīa inene rīa mwaki: kūu nīkuo gūkagīa kīrīro, na kūhagarania magego.

**Mathayo 25:46**

Nao andū acio nīmagathiī kūrīa kūherithanagīrio tene na tene: no rīrī, arīa athingu nīmagatonya muoyo-inī wa tene na tene.

**2 Petero 3:7**

No rīrī, Igūrū rīrīa rīi ho rīu, o na thī, nī kūgīrūo cūgīrūo mwaki, nī ūndū wa kiugo o ro kīu, igagīeterera mūthenya ūrīa wa cira, o na wa kūninwo kwa andū arīa matetigagīra Ngai.



## 2 Akorintho 5:10

Tondū-rī, no mūhaka ithuothe tūkoneka ūrīa tūtariī tūrī mbere ya gītī gīa Kristo kīrīa gīa itui-ro, nī getha o mūdū akabeo kīrīa aagīrīrūo nī kūheo nī ūndū wa maūdū marīa aaneka arī na mwīrī, maakorūo marī mega kana marī moru.

## 1 Johana 4:17

Ūguo-rī, nīguo wendani ūtūmagwo ūkinyanire harī ithuī, nī getha tūkahota kūmīrīria mūthenya ūrīa wa gūtuīrūo cira; nī ūndū, o ta ūrīa we atariī, no taguo ithuī tūikaraga tūhaana twī gūkū thī.

## Atūmwo 17:31

Amu nī gūtua atuīte mūthenya ūrīa agatuīra andū cira na kīhoo-to, arīa matūire gūkū thī guothe, na ūndū wa Mūdū ūrīa athurīte; na nīamenyithītie andū othe aī ūhoro ūcio nī wa ma nī ūrīa aamūriūkirie oime kūrī arīa akuū.

## 2 Petero 2:9

Hakīrī ūguo-rī, Mwathani nīoi kūhonokia andū arīa mamwīamūrīire moime magerio-inī, na gūikarithia andū arīa aaganu makīherithagio o nginya rīrīa mūthenya ūrīa wa cira ūgakinya.

## 2 Akorintho 8:9

Amu nīmūūi Wega ūria Mwa-  
thani witū Jesu Kristo aarī nago,  
mūgakīmenya atī o na aarī gī-  
tonga, nīaatuīkire ngīa nī ūndū  
wanyu, nī getha inyuī mūtuīke  
itonga nī ūndū wa ūria we  
aakīarīte.

## Atūmwo 4:33

Nao atūmwo nīmaabeana  
ūira wao wa kūriūka kwa Mwa-  
thani Jesu me na hinya mūnene.  
Nao othe magīitīrīrio Wega wa  
Ngai mūingī.

## Tito 3:7

Nī getha tūtuwo athingu nī  
ūndū wa Wega wake, na agai a

gūkagaīrūo muoyo ūria ūtagathi-  
ra, kūringana na ūria tūtūire  
tūwīrīgīrīire.

## 2 Akorintho 9:15

Nake Ngai arocokerio ngatho  
nī ūndū wa kīheo gīake gītangu-  
gīka na ciugo ūria gītariū!

## Aroma 9:16

Tondū ūcio-rī, ūguo nduone-  
kaga nī ūndū wa ūria mūndū  
ekwenda, kana wa ūria mūndū  
erutanagīria, no nī ūndū wa ūria  
Ngai aiguanagīra tha.

## 1 Petero 5:5b

. . . ūndū Ngai nīareganaga na  
arīa etīi, no arīa menyihītie  
nīamakinyagīria Wega wake.

**Luka 13:3**

Ngūmwīra atīrī, Tiguo: no rī-rī, mūngīaga kwīrira, inyuothe mūkaninwo o tao.

**Atūmwo 2:38**

Nake Petero akīmera atīrī, Mwīrirei, mūcoke mūbatithio o mūndū o mūndū thīnī wa rī-twa rīa Jesu Kristo, nīguo muo-herūo mehia manyu; na nīmū-kūheo kīheo kīa Roho Mūtheru.

**2 Akorintho 7:10**

Nī gūkorūo kīeha kīrīa kiuma-ga kūrī Ngai kīrehage ūhorō wa kūhera, ūrīa wa gūtūma mūndū ahonoke, naguo nī ūrīa ūtacokaga kwīrirūo; no rīrī, kīeha kīrīa

kiumaga maūndū-inī ma gūkū thī kīrehage gīkuū.

**Mathayo 3:2**

Wīrirei, tondū ūthamaki wa Igūrū nīūkūhīhīrie.

**Atūmwo 17:30**

Namo mahinda marīa andū maatūire matoī maūndū macio Ngai ndaigana kūmoria: indī rīu nī gwatha aathaga andū othe a kūndū guothe atī merire.

**Atūmwo 3:19**

Nī ūndū ūcio-rī, wīrirei na mūgarūrūke, nī getha mehia manyu marihūrūo, na hacoke hagīe mahinda ma kūrurumūkio moi-mīte kwī Mwathani.

**Mathayo 6:14**

Nĩ ūndũ akorũo inyuĩ nĩmuo-  
hagĩra andũ angĩ mehia mao,  
nake Ithe wanyu wĩ Igũrũ nĩarĩ-  
muohagĩra inyuĩ.

**Kũguũrĩrio 3:20**

Atĩrĩrĩ, nũngĩĩ mũrango-inĩ  
ngĩũringaringa; mũndũ aaigua  
mũgambo wakwa na aahingũra  
mũrango, nĩngũtonya harĩ we,  
ndĩanĩre irio nake, nake arĩanĩre  
na nĩĩ.

**Ezekieli 18:21**

No mũndũ ūrĩa mwaganu angĩ-  
garũrũka atigane na mehia make  
mothe marĩa ehĩtie, na ahingie  
irĩra ciakwa ciothe cia watho wa

kũrũmĩrĩrũo, na acoke gwĩka  
maũndũ marĩa maagĩrĩire na  
marĩa ma ūthingu, ndarĩ hingo  
atagatũũra muoyo; ūcio ndaga-  
kua.

**Isaia 55:7**

Mũndũ ūrĩa mwaganu nĩati-  
gane na mĩthĩire ĩo yake, nake  
mũndũ ūrĩa ūtarĩ mũthingu nĩa-  
tige kũrũmĩrĩra meciria macio  
make. Nĩacokerere Jehoya, nake  
nĩekũmũiguĩra tha, nĩacokerere  
Ngai witũ, nĩ ūndũ nĩakĩragĩ-  
rĩra wohanĩri.

**Mariko 2:5**

Nake Jesu ona ūrĩa metĩkĩtie,  
akĩĩra ūcio mũrũaru atĩrĩrĩ, Mũ-  
riũ, nĩwoherũo mehia maku.

**Aefeso 5:11**

**Ningī mūtikanagie ngwatanīro na arīa marutaga mawīra ma nduma-inī, marīa matarī na maciaro, no kaba mūmaguūragie moimbūke.**

**1 Johana 2:15, 16**

**Mūtikende ūhoru wa thī, o na kana maūdū marīa me kuo gūkū thī. Mūdū aakorūo nīenda ūhoru wa thī, kwenda Ithe witū ndarī nakuo ngoro yake. Amu-rī, maūdū mothe marīa me gūkū thī, mwīrirīrio wa mwīrī, na mwīrirīrio wa maitho, na nguthi cia muoyo ūyū tūrī-rī, maūdū ma-**

**cio matiumanīte na Ithe witū, nī ma thī.**

**Isaia 1:16**

**Wīthambei mwītherie, mūgīthengie ūūru wa ciiko cianyu, ndige kūwona; tiganai na ūūru.**

**Tito 2:11, 12**

**Nī ūndū Wega wa Ngai nīwo-  
nekete, ūrīa ūreheire andū othe  
ūhonokio, nago nīguo ūtūme-  
nyagīria kūregana na maūdū  
mothe marīa mataiguaine na  
ūhoru wa kwīamūrīra Ngai, o na  
merirīria marīa moru ma gūkū  
thī, na tūikarage twī na ūūgī wa  
ngoro, na tūrī athingu, na twīa-  
mūrīre Ngai mahinda maya tūrī.**

## 2 Akorintho 5:17

Tondū ūcio-rī, mūdū angīko-rūo arī thīnī wa Kristo-rī, nīagarūrūkīte agatuīka mūdū ūngī mwerū: maūdū marīa ma tene nīmathirīte; nī atīrī, nīmatuīkīte mangī merū.

## 1 Johana 5:18

Nītūūī atī mūdū o wothe ūrīa ūciarītwo nī Ngai ndehagia, īndī ūrīa waciarirūo nī Ngai nīamūikaragia, nake ūrīa mūūru ndangīmūhutia.

## 1 Petero 1:23

Nī ūndū wa ūrīa mūciarītwo rīngī mūciarīre ūrīa ūtoimanīte na mbeū īrīa ībuthaga, tiga

o īrīa ītabuthaga, na ūndū wa Ūhoro wa Ngai, o Ūhoro ūrīa wī muoyo na ūtūūraga tene na tene.

## Ezekieli 36:26

O na ningī nīngamūhe ngoro īngī njerū, o na ndīmwikīre roho ūngī mwerū thīnī wanyu, na ndīmwehererie ngoro īrīa nyūmū ta ihiga īmuume mūrī-inī yanyu, njoke ndīmūhe ngoro īngī njororo ta nyama.

## Johana 3:3

Nake Jesu agīcokia akīmwīra, Ndakwīra atīrī, o ma, ma, Mūdū aaga gūciarūo rīngī, ndangīhota kuona ūthamaki wa Ngai.

# GŪKUA NĪ ŪNDŪ WA MEHIA — KŪRIŪKA 29

## THINTI WA KRISTO

1 Petero 2:24

Nake nīaakuire mehia maitū we mwene mwīri-inī wake e mūtī igūrū, nī getha ithūi tūkorūo tūkuite ha ūhorō wa mehia tūgata-gana namo, tūcoke tūtūire muoyo twīkaga o maūdū ma ūthingu; nayo mītunda irīa aahūrīrūo nīyo yatūmire mūhone.

Aroma 6:2 na 11

Kaī ithūi arīa twakuire, tūgithenga ūhorō-inī wa kwīhia o gūthenga-rī, tūngīgītūūra atīa o twīhagia? . . . Na inyuī, o ūndū

ūmwē, wīonagei ta arī gūkua mūkuīrīire ūhorō wa wīhia mūthenge harī guo, naguo muoyo ūcio mwī naguo mūtue atī mūrī a gūtūūra mūtūūrīre werekeire o Ngai, mwī thīnī wa Kristo Jesu.

Aefeso 2:1 na 6

O na inyuī-rī, Ngai nīaatūmire mūgīe na muoyo, rīrīa mwarī akuū nī ūndū wa mabītia o na mehia manyu. . . na agītūrīūkanīria hamwe nake, agītūikaria hamwe nake kūrīa Igūrū, twī thīnī wa Kristo Jesu.

**Aroma 6:23**

Nĩ gũtuĩka mũcara wa wĩhia nĩ gĩkuũ, no kĩheo kĩria Ngai aheanaga kiumanĩte na Wega wake nĩ muoyo wa tene na tene, ũria wĩ thĩinĩ wa Kristo Jesu Mwathani witũ.

**Johana 5:24**

Ndamwĩra atĩrĩrĩ, o ma, ma, Mũndũ ũiguĩte uuge wakwa na agetĩkia ũria wandekirie, e na muoyo wa tene na tene, na ti wa gũcirithio; nĩarĩkĩtie kuuma gĩkuũ-inĩ agatonya muoyoĩnĩ.

**Johana 3:36**

Ūria wĩhokete Mũriũ e na muoyo wa tene na tene; nake

ũria ũregete kũigua Mũriũ, we ndakona muoyo; egũtũura o arakarĩrũo nĩ Ngai.

**Johana 14:1, 2**

Mũtigatangĩke ngoro; nĩmwĩhokete Ngai, na nũ mwĩ'hoke. Nyũmba ya Awa kwĩ na itũũro nyingĩ; gũtangĩrĩ ũguo, ingĩrĩ kũmwĩra; nĩ gũkorũo ngũthũ kũmũthondekera handũ.

**Johana 3:14, 15**

Na ta ũria Musa aahaicirie nyamũ-ya-thĩ igũrũ werũ-inĩ, no-guo Mũrũ wa mũndũ e na bata ahaicio igũrũ: nĩ getha mũndũ o wothe wĩtĩkĩtie agĩe muoyo wa tene na tene thĩinĩ wake we.



**Isaia 32:17**

Na rīrī, ūndū ūrīa ūkoimana  
na ūthingu ūcio nī thayū mūtheri,  
o namo maūdū marīa makoneka  
moimanīte naguo nī atī andū ma-  
tūūre mahoreire gūtārī ūgwati  
lene na tene.

**Johana 14:21**

Ūrīa ūikaraga na maathani ma-  
kwa na akamamenyagīrīra-rī, ūcio  
nowe ūnyenda; nake ūrīa ūnye-  
nda nīariendagwo nī Awa, o na  
nī nīndūmwendaga, na ndīioni-  
thagie we.

**1 Johana 3:18, 19**

Twana twakwa nītūtigage  
kwendana na ciugo kana na ka-

nua gatheri; nītwendanage na cū-  
ko o tūkiendanaga na ma. Ūguo  
nīguo tūrīmenyaga tūrī a ūhoro-  
ūrīa-wa-ma, na twīninage nganja  
ngoro, twī mbere yake.

**Agalatia 4:6**

Na tondū mūkīrī ciana ciake,  
nīkīo Ngai aarekirie Roho wa  
Mūrū wake atonye thīnī wa  
ngoro ciitū, aanagīrīre akiugaga  
atīrī, Abba, Baba.

**1 Johana 4:13**

Ūndū ūrīa tūmenyaga naguo  
atī nītūtūire thīnī wake, nake  
agatūūra thīnī witū, nī ūyū, atī  
nīatūgaire Roho wake.

## 32 KRISTO ART THINT WITU TUGIAGA NA GIKENO

**Agalatia 2:20**

Ninyambanirio na Kristo mūtī igūrū, no ndī o muoyo; indī riu ti nī ndūruga muoyo, nī Kristo ūtūruga muoyo thīnī wakwa: naguo muoyo ūrīa ndūruga naguo riu, ndī na mwīrī, ndūruga naguo no ūndū wa gwītīkia Mūrū wa Ngai, o we wanyendire, agikūruta nī ūndū wakwa.

**Aefeso 3:17a**

Ningī atī Kristo atūrage ngoro-inī cianyu nī ūndū wa ūrīa mwītīkie. . .

**Thaburi 16:11**

Ūrinyonagia njira o irīa ya muoyo: harīa wee ūrī he na hūni

cia gīkeno; guoko gwaku kwa ūrīo, nginya tene o na tene, kuumaga maūdū me mūrīo.

**Aroma 14:17**

Nī ūndū ūthamaki wa Ngai ti ūhoru wa kūrīa na kūnyua, no nī wa ūthingu, na thayū, o na gīkeno, iria ciumaga kwī Roho Mūtheru.

**Johana 17:13**

Indī riu nīngūka kūrī wee, na maūdū maya ndīroigira o gūkū thī, nī getha maikarage na gīkeno giakwa gū gikinyaniru kūna ngoro-inī ciao.

**Isaia 12:3**

Tondū ūcio mūgatahaga māi ithima cia ūhonokanio mūkenete.

# GWATHIKIRA MWATHANI NI KWAGIRIRE 33

1 Samueli 12:15

No rĩrĩ, mwaaga kũigua uuge wa Jehova, no mũrege kũigua maathani ma Jehova, guoko kwa Jehova nĩgũkũmũũkĩrĩra o ta ũrĩa gwokĩrĩre maithe manyu.

2 Athesalonike 1:7-9

Indĩ na inyuĩ mĩtũire mũnya-riragwo-rĩ, amũrĩhe na ũhurũko hamwe na ithuĩ, hĩndĩ ĩrĩa Mwathani witũ Jesu, akaguũranĩrio oimĩte Igũrũ, me hamwe na arai-ka ake arĩa me na ũboti, mokĩte me na mwaki ũkũrĩmbũka. Nake nĩakerĩhĩria kũrĩ andũ arĩa matoĩ Ngai, o na arĩa mataathĩ-kaga nĩ ũhoro-ũrĩa-Mwega wa

Mwathani witũ Jesu. Nao nĩma-kaherithio na kwanangwo kũrĩa gũtagathira, matikanae kuona ũthiũ wa Mwathani, o na kana riri wake ũrĩa wĩ na ũkaru.

Gũcokerithia Maathani

11:26-28a

Atĩrĩrĩ, mũthenya ũyũ wa ũ-mũthĩ-rĩ, nĩ kũbe ngũmũbe ũhoro wa kĩrathimo, o na wa kĩrumi; kĩrathimo-rĩ, mũrĩrathimagwo hĩndĩ ĩrĩa mũiguĩte maathani ma Jehova, Ngai wanyu, o marĩa ngũmũtaara namo ngĩmwatha ũ-mũthĩ; nakĩo kĩrumi-rĩ, mũrĩrumagwo hĩndĩ ĩrĩa mwarega kũigua maathani ma Jehova Ngai wanyu. . .

Mathayo 10:32, 33

Nĩ ūndũ ūcio-rĩ, o mũndũ ūkoimbūra kūrĩ andũ atĩ nĩ wakwa, nĩ o na nĩ nĩngamuumbūra kūrĩ Awa ūrĩa wĩ Igūrũ atĩ nĩ wakwa. No mũndũ ūrĩa ūkangaana kūrĩ andũ, o na nĩ nĩngamũkaana kūrĩ Awa ūrĩa wĩ Igūrũ.

1 Johana 2:23

Ūrĩa o wothe ūkaanaga Mūriũ, ūcio ndarĩ na Ithe witũ; ūrĩa wĩ-tĩkĩtie Mūriũ arĩ na Ithe o nake.

Aroma 10:9, 10

Tondũ-rĩ, ūngiumbūra na kanua gaku atĩ Jesu nĩwe Mwathani, o na gwĩtikia wĩtikie na ngoro yaku atĩ Ngai nĩamūriũkirie oi-

me kūrĩ arĩa akuũ, no ūhonoke: nĩ gũkorũo nĩ ngoro mũndũ etĩkagia nayo agagĩtuwo mũthingu, na nĩ kanua oimbūruga nako agakĩhonoka.

Afilipi 2:11

O na ningĩ atĩ nĩmĩ ciothe ciumbūrage atĩ Jesu Kristo nĩwe Mwathani, nĩ getha Ngai Ithe witũ agoocagwo.

Luka 9:26

Nĩ gũkorũo mũndũ o wothe angĩconoka nĩ nĩ, na aconokere ciugo ciakwa, nĩwe ūgaconokere nĩ Mūrũ wa mũndũ rĩrĩa agoka arĩ na riri wake mwene, na wa Ithe, o na wa araike arĩa atheru.

**Aefeso 6:11**

Wiohei indo ciothe cia Ngai cia ita, nĩ getha mũhote gwĩtiiria mawara ma mũcukani.

**Mathayo 4:1 na 10, 11**

Hĩndĩ io Jesu nĩaatwarirũo nĩ Roho werũ-inĩ nĩguo akagerio nĩ mũcukani. . . Hĩndĩ io Jesu akĩmwĩra atĩrĩ, Thiĩ, ndiga, Shaitani, tondũ ũhoro nĩwandĩkitwo, Turagia ndu ũgoocage Mwathani Ngai waku, na ũmũtungatagĩre o we wiki. Hĩndĩ io mũcukani akĩmũtiga, na atĩrĩrĩ, araika magĩũka makĩmũtungatĩra.

**Atũmwo 26:18**

Nĩguo ũkamahingũre maitho, magarũrũkĩre ũtheri matigane na

nduma, o na magarũrũkĩre Ngai matigane na hinya wa Shaitani; nĩ getha marekagĩrũo mehia mao na magairũo igai hamwe na arĩa maamũritwo magatherio nĩ ũndũ wa kũnjĩtikia.

**1 Petero 5:8**

Ikaragai mũterigĩtwo, na mwĩhũgage. Atĩrĩ, mũcukani, thũ yanyu, acangaga ta mũrũthi ũkũramama, agĩcaragia mũndũ wa gũtambura.

**2 Akorintho 2:11**

Nĩ getha tũtikahĩtwo nĩ Shaitani, one ũndũ wa gũtũhoota nago; amu maũndũ marĩa athugundaga tũtirigagwo nĩmo.

**Ahibirania 2:14**

Hakĩrĩ ũguo-rĩ, kuona atĩ ciana icio nĩigwatanĩire mwĩrĩ na thakame-rĩ, we nake no taguo egwa-tĩire mũthemba o ũcio, nĩ getha atĩ, tondũ wa gũkua, aanange ũrĩa mwene hinya wa gĩkuũ, nĩwe mũcukani.

**Aroma 8:35 na 37**

Nũ ũngĩtũtigithũkania na wendani wa Kristo? Anga nĩ kuona thĩna, kana kwĩhĩrũo nĩ ruo, kana kũnyarĩrũo, kana ng'aragu, kana kwaga nguo, kana ũgwati, kana rũhiũ rũa njora? . . . No rĩrĩ, o na tũkĩonaga maũndũ macio mo-

the-rĩ, gũtoria tũrĩ atoria o makĩria nĩ ũndũ wa Ūcio watwendire.

**1 Johana 3:8**

Ūrĩa wĩhagia nĩ wa mũcukani, amu mũcukani atũire ehagia kuumo o kĩambĩrĩria. Ūndũ ũrĩa watũmire Mũrũ wa Ngai onithanio nĩ rĩrĩ, nĩ getha atharũrie wĩra wa mũcukani.

**2 Athesalonike 2:8**

Na hĩndĩ io-rĩ, nĩrĩo mũndũ ũrĩa mũregi watho akaguũranĩrio, nake nĩwe Mwathani Jesu akoraga na mĩhũmũ ya kanua gake na amwagie kĩene, nĩ ũndũ wa ũrĩa akonanio acokete gũkũ thĩ.

# WENDANI, NIGUO ŪTŪMENYITHAGIA TŪRT ARUTWO

37

**Johana 21:16**

Akīmūūria rīngī hingo ya kerī, atīrī, Simoni wa Jona, nīūnyendete? Akīmwīra, Ī-ni, Mwathani, wee nīūūī nīngwendete. Nake akīmwīra atīrīrī, Rīithagia ng'ondu ciakwa.

**Agalatia 5:22, 23a**

No maciaro ma Robo nīmo maya, nī wendani, na gīkeno, na thayū, na gūkirīrīria, na gūtugana, na gwīkana wega, na kwīhokeka, na kūhorera, na kwīgīrīrīria merirīria ma mwīrī. . .

**1 Johana 4:20**

Mūdū angīkorūo oigaga ūū, Nīī nīnyendete Ngai, na nīathūire

mūrū wa ithe-rī, ūcio nī wa maheni; amu-rī, ūrīa ūtendete mūrū wa ithe ūrīa atūire onaga, ndangīhota kwenda Ngai atakīrī aamuona.

**Johana 13:35**

Nī ūguo andū othe marīmenyaga mūrī arutwo akwa, mwatūūra mwendaine.

**1 Akorintho 13:1**

Atīrīrī, o na ingītuīka atī nī'thiomaga thiomī cia andū o na cia araike, na ngorūo itarī na wendani-rī, no njikare ta ndī o kīndū kīa rūthuku kīrīa kīnegenaga kīaringwo, kana ta thani iria ihūrithanagio ikagamba karagaca!

## 38. KŪRIŪKA KWA JESU KRISTO

**Mariko 16:9**

Na rīrī, aarīkia kūrīūka rūcini tene mūthenya wa kwambīrīria kiumia, aambire kuumīrīra Mariamu Mūmagidali, ūrīa aarutīte ndaimono mūgwanja.

**Johana 20:26-28**

Ningī matukū maathira anana, arutwo ake maarī kuo rīngī kūu nyūmba thīinī, na maarī na Toma. Nake Jesu agīūka, mīrango īrī mīhinge, akīrūgama gatagati-inī, akiuga, Gīai na thayū. Agīcoka akīira Toma atīrī, Rehe kīara gīaku haha, ūrore hī ciakwa; na ūrehe guoko gwaku, ūtonyie mbaru-inī ciakwa; na ūtige

gūtuīka wa kūrega gwītīkia, ūtuīke wa gwītīkia. Toma agīcokia akīmwīra atīrī, Mwathani wakwa, Ngai wakwa!

**Atūmwo 10:39-41**

Na ithuī-rī, tūrī aira a maūdū macio mothe ekire kūu būrūrī wa Ayahudi, o na Jerusalemu. Nake nīoragirūo nī andū na kūmūcuuria mūtī igūrū. Nīwe Ngai aariūkirie mūthenya wa gatātū, agītīkīra atī acoke kuoneka — no tī kuonwo nī andū othe, tīga o aira arīa maathurirūo o mbere nī Ngai, nao nīo ithuī, o ithuī arīa twarīaga na tūkanyuaga hamwe nake, aarīkia kūrīūka akoima kūrī arīa akuū.



**Aroma 6:4, 5**

Tondū ūcio-rī, twabatithio, nī gūthikwo twathikirūo hamwe nake gīkuū-inī kīu: nī getha atī, o ta ūrīa Kristo aariūkirio agīkiuma kūrī arīa akuū nī hinya wa riri wa Ithe, ithuī na ithuī tūtūūre na mītūūrīre ya muoyo mwerū. Amu twagīkorūo nī gūciarithanio tūciarithanītio nake na kīgerekano kīu gīa gūkua gwake-rī, no taguo tūgūtūūra tūciarithanītio nake na kīgerekano gīa kūrīuka gwake o nakuo.

**Mathayo 16:21**

Gwata hīndī ūo Jesu agīitīka kūmenyithia arutwo ake atī no kinya athī Jerusalemu, na athī-

nio na maūdū maingī moru nī athuri, na athīnjiri-Ngai arīa ane-ne, na aandīki-marūa, na oragwo, na mūthenya wa gatatū nīakariūkio.

**Johana 5:25 na 28, 29**

Ndamwīra atīrī, o ma, ma, Kwī hingo ūroka, o na rīu no nginyu, andū arīa akuū makaigua mūgambbo wa Mūrū wa Ngai; na arīa mekūigua magīe na muoyo. . . Mūtikagege nī ūhoro ūcio; amu kwī hingo ūroka arīa othe me thīnī wa mbīrīra makaigua mūgambbo wake, na moime kuo, arīa mekaga wega moimīre iriūkīro rīa muoyo, na arīa mekaga ūūru moimīre iriūkīro rīa gūcirithio.

## Aefeso 1:4

Kūringana na ūrĩa aatūthurire thīnī wake thī itanombwo, nī getha tūtuīke atheru na twage kaūūgū agītuona.

## 1 Petero 1:2

Nī gūthurūo mwathurirūo kūrīngana na ūrĩa Ngai Ithe witū aamūmenyete o mbere, akamūtheria na Roho, nī getha mwathīkagīre Jesu Kristo na mūminjamīnjīrio thakame yake. Wegā wa Ngai o na thayū iromūingīhīra.

## 2 Akorintho 7:1

Na rīrī, endwa akwa, tondū nītwīrīrūo maūndū macio, nītwītheragiei tūtiganage na ūndū o

wothe ūrĩa ūthūkagia mūndū mwīrī o na kana roho, tūkīhingagie ūhorō witū wa gūtuīka atheru, o tūgīitigagīra Ngai.

## 2 Timotheo 2:21

Hakīrī ūguo-rī, mūndū angītheria, atiganage na maūndū marīa matarī gītio, no atuīke ta kīndū gīa gūtiwo, kīndū kīamūre, o kīrīa kīagīrīire mwene nyūmba arutage wīra nakio, na kīrīa kīhaarīrīrio wīra o wothe mwega.

## 1 Petero 1:15

Indī kuona atī ūrĩa wamwītire nī mūtheru, o na inyui tuīkai atheru mīthūre-inī yanyu yothe.

**Ahibirania 13:12**

No taguo Jesu nake aanyarirĩ-rũo na nja ya kĩhingo, nĩ getha atherie andũ na thakame yake mwene.

**Mathayo 3:11**

Nĩ-rĩ, ndĩmũbatithagia na mai nĩguo mwĩrire; no rĩrĩ, Ūrĩa ũgũũka thutha wakwa arĩ na hinya kũrĩ nĩ, na ndũigaine nĩ ndĩmũkuũre iratũ ciake; Ūcio-rĩ, nĩakamũbatithia na Roho Mũtheru, o na mwaki.

**Luka 1:74, 75**

Atĩ nĩagatwĩkĩria, twarĩkia kũhonoka moko-inĩ ma thũ ciitũ, Tũcoke tũmũtungatagĩre tũtarĩ na

guoya, Na tũtũũre mbere yake matukũ maitũ mothe tũrĩ atheru na tũrĩ athingu.

**Isaia 35:8**

Nakuo kũu nĩgũkagĩa njĩra njariĩ ya gĩtwari, o ya barabara, nayo iĩtagwo ũũ: Njĩra ĩrĩa nyamũre; ĩndĩ arĩa matarĩ atheru matikamĩgera, nao arĩa makamĩgera agakoragwo e hakubĩ nao; tondũ ũcio, o na arĩa akĩgu matikamĩhĩtia.

**1 Johana 1:9**

Twakiumbũra mehia maitũ, we nĩ mwĩbokeku, o na nĩ mũthingu, agatuohera mehia maitũ, na agatũtheria tũgathirũo nĩ maũndũ maria mothe matarĩ ma ũthingu.

## Aroma 8:9

No inyuĩ-rĩ, mūtĩtũire mūrũ-mĩrĩire ũhoru wa mwĩrĩ; mūrũ-mĩrĩire ũhoru wa Roho, akorũo Roho wa Ngai nĩwe ũtũũraga ngoro-inĩ cianyu. No rĩrĩ, mũndũ o wothe ũtarĩ na Roho wa Kristo, mũndũ ũcio-rĩ, ti wake.

## Atũmwo 4:31

Na rĩrĩ, maarĩkia kũhoya, handũ hau monganĩte hagĩthingitha; makĩiyũrũo othe nĩ Roho Mũtheru, magĩkĩaria ũhoru wa Ngai momĩrĩire.

## Atũmwo 1:8a

No nĩmũrĩheo hinya, Roho Mũtheru aarĩkia gũkinya igũrũ rĩanyu: na mũtuĩke aira akwa. . .

## Luka 11:13

Nĩguo-rĩ, mwagĩkorũo inyuĩ, na mũrĩ oru, nĩmũũĩ kũheaga ciana cianyu ibeo njega, ĩ Ithe wanyu wĩ Igũrũ angĩkĩria atĩa kũhe Roho Mũtheru arĩa mamũhoyaga?

## Atũmwo 13:52

Nao arutwo magĩkena o gũkena, na makĩiyũrũo nĩ Roho Mũtheru.

## Ezekieli 36:27

Nĩ gwĩkĩra ngamwĩkĩra roho wakwa thĩinĩ wanyu, ndũme mũrũmagĩrĩre irĩra cia watho wakwa, na mũmenyagĩrĩre matũiro makwa ma cira, mũmekage.

**1 Petero 4:12, 13**

Endwa akwa, tigai kũgega nĩ ũndũ wa thĩna ũtarĩ ta mwaki ũrĩa ũkirĩ kũmũkora, ũtuĩke wa kũmũgeria, ta arĩ ũndũ ũkũmũkora ũtarĩ wa ndũire: no rĩrĩ, kenagai, kuona atĩ nĩmũgwatanĩire na Kristo kũnyarirĩka gwake; nĩ getha o na hĩndĩ irĩa riri wake ũkaguũranĩrio, mũgakena o mũgicanjamũkaga.

**Kũguũrĩrio 21:4**

Nake nĩekũmagiria maithori mothe mathire maitho mao; nakĩo gĩkuũ gĩtirĩ hingo gĩgacoka kũgĩa, o na gũtirĩ hingo gũgacoka kũgĩa na kĩa, kana kĩrĩro, kana

ruo; maũndũ marĩa ma mbere nĩ mathengu magathira.

**Isaia 66:2**

Nĩ ũndũ-rĩ, indo icio ciothe ciathondekirũo nĩ guoko gwakwa, nĩkĩo ciagiĩre igagitũũra o kuo; ũguo nĩguo Jehova ekuuga. No rĩrĩ, mũndũ ũyũ nowe ngũiguĩra tha, o we ũrĩa ũikaraga enyihĩtie, na akagĩa na ngoro iherete, na akainainio ngoro akĩĩrutanĩria nĩ gũtia ũhoru wakwa.

**Thaburi 37:3**

Wĩhokage o Jehova, na wĩkage wega; wĩtũũrĩre o bũrũri-inĩ, na ũthingatage o wĩhokeku.

**Thaburi 34:19**

Maũuru no maingĩ makoraga ũria mũthingu, indĩ, Jehova nĩa-mũteithũraga harĩ mo mothe.

**Aroma 8:28**

Ningĩ nĩtũũ atĩ harĩ andũ arĩa menda Ngai, nĩo arĩa metĩ-two nĩwe kũringana na ũria aathugundire eke-rĩ, maũndũ mothe nĩmateithanagia hamwe namarehagĩre kĩrathimo.

**1 Akorintho 10:13**

Mũtirĩ mwagerio na magerio matonagwo nĩ andũ othe; na rĩrĩ, Ngai nĩ mwĩhokeku, na ndangĩ-tĩkĩra mũgerio na magerio makĩ-rĩte marĩa mũngĩhota gwĩtiiria; no

hĩndĩ irĩa mũkũgerio nĩarĩmuo-nagĩra njĩra ya kũhonokera, nĩ getha mũhote gwĩtiiria magerio macio.

**Isaia 43:2**

Hĩndĩ irĩa ũkũgera maĩ-inĩ ũkĩhĩtũkĩra kuo-rĩ, ndĩrĩkoragwo ndĩ hamwe nawe; o na ũkĩgera njũĩ-inĩ-rĩ, itigakũrindania; o na hĩndĩ irĩa ũkũgera mwaki-inĩ-rĩ, ndũgacinwo nĩguo, o na kana ũrĩrĩmbũkĩrũo nĩ rũrĩrĩmbĩ rũaguo.

**Ahibirania 2:18**

Amurĩ, kuona atĩ we mwene nĩathĩnkĩre akĩgeragio, nĩahotaga gũteithia andũ arĩa mageragio.

**Kūguūrīrio 3:5**

Ūrīa wa gūtorania-rī, agakīhubwo nguo icio njerū; na ndirī hīndī ngatharia rītwa riake rīthenge thīnī wa ibuku rīrīa rīa muoyo, na nīngetikīra rītwa riake harī Awa, na harī araiaka ake.

**Kūguūrīrio 3:12**

Ūrīa wa gūtorania-rī, nīngamūtua gītugi kīa hekarū ya Ngai wakwa, na ndarī hingo agacoka kuuma kuo, o na rī; na nīngamwandīka rītwa rīa Ngai wakwa, o na rītwa rīa itūūra rīa Ngai wakwa, nīkuo Jerusalemu irīa njerū, irīa ya kuuma Igūrū

kwī Ngai wakwa, o na ndīmwanđike rītwa riakwa mwene rīrīa rīerū.

**Kūguūrīrio 2:7**

Ūrīa ūrī gūtū, nīakīigue ūrīa Roho arera makanitha. Ūrīa wa gūtorania-rī, we nīngamwītīkīria arīage maciaro ma mūtī wa muoyo, ūrīa wī mūgūnda wa kwa Ngai, kūrīa maroho ma arīa metīkītie mathiaga.

**Kūguūrīrio 3:21**

Ūrīa wa gūtorania-rī, we nīngamwītīkīria aikarīre gītī gīakwa gīa ūthamaki hamwe na nī, o ta ūrīa nī na nī ndatoranirie, na ngīikaranīra hamwe na Awa gītī gīake gīa ūthamaki.

# 46      NGAI NIARAGIA NA ITHUŪ ŪHORO-INTĪ WA GŪTHARIA ŪHIKI

**Mathayo 5:32**

No nū ngūmwīra atīrī, atī o mūdū ūrīa ūngīte mūtumia wa-ke, tīga o ūndū wa ūtharia, nīe-gūtūma atuīke mūtharia: na ningī o mūdū ūrīa ūkamūhīkia hīndī īo ateetwo, ūcio no atuīke nīatharītie.

**Aroma 7:2, 3**

Amu mūtumia o wothe ūrīa wī na mūrūme-rī, aikaraga mohantio na mūthuriwe nī watho o hīndī īrīa mūthuri ūcio e muoyo; no rīrī, mūthuri angīkorūo nīaa-kua-rī, mūtumia ūcio nīaatigithūkana na watho ūcio ūramuohitha-

nītie na mūthuriwe. Tondū ūcio-rī, angītuīka wa mūdū mūrūme ūngī hīndī īo mūthuriwe e muoyo, mūtumia ūcio no atuwo mūtharia; no rīrī, mūthuriwe angīkorūo nīakuīte-rī, hīndī īo arīikaraga ta ohoretwo harī watho ūcio; o na angīhīkio nī mūdū ūngī-rī, mūtumia ūcio ndangītuīka mūtharia.

**Luka 16:18**

O mūdū ūrīa ūngīte mūtumia na ahīkie ūngī, nīatharanītie: nake mūdū ūrīa ūkahīkia ūrīa ūteetwo nī mūthuriwe, nīatharanītie.



**Kūguūrīrio 3:11**

**Nīngūūka o narua; gwatagīria maūndū marīa wī namo, mūndū o na ūrīkū ndakanae gūthū na thūmbī yaku.**

**Mathayo 24:30**

**Na hīndī ūo kīmenyithia kīa Mūrū wa mūndū nīgīkoneka kūrīa igūrū: ningī hīndī ūo iruka ciothe cia thī nīikagīa na kīeha, na nīikona Mūrū wa mūndū agīūka arī igūrū rīa matu ma igūrū, na arī na hinya na riri mūingī.**

**Johana 14:3**

**Na ndathī ndamūthondekera handū, nī gūcoka ngacoka, ndī-**

**mūtware mūgaikarage o harī nī, nīguo harīa ndī, na inyuī mū-gīage ho.**

**Mathayo 24:27**

**Tondū o ta ūrīa rūheni ruu-maga o kūrīa irathīro, na rūko-nwo o kinya ithūiro, ūguo noguo gūūka kwa Mūrū wa mūndū gū-kahaana.**

**Mariko 8:38**

**Amu-rī, mūndū o wothe ūga-conoka nī nū, na aconokere ciugo ciakwa hingo ya rūciaro rūrū rūa ūtharia na rūa mehia, nīwe ūgaconokerūo nī Mūrū wa mūndū, rīrīa agoka e na riri wa Ithe na me na arāika arīa atheru.**

1 Johana 3:2

Endwa akwa, rīu tūrī ciana cia Ngai, na gūtīrī kūrāmenyithanio ūrīa tūgaikara thutha. Nītūūī atī o rīrīa we akonithanio, tūkahaana nana nake; nī gūkorūo tūkamuona o ūrīa atarī.

Mathayo 16:27

Tondū rīrī, Mūrū wa mūdū ndarī hingo atagoka e na riri wa lthe, hamwe na araika ake; na hīndī īo nīagatuīra o mūdū o ūrīa ūringaine na cūko iria aaneka.

Luka 21:27

Na hīndī īo nīguo makona Mūrū wa mūdū agīūka na itu, arī na hinya na riri mūingī.

Luka 12:40

O na inyuī ikaragai mwīhaa-rīirie: nī gūkorūo Mūrū wa mūdū nīagoka o thaa irīa mūtegereirie.

Kūguūrīrio 16:15

Atīrīrī, ngūūka ta mūici. Gūkena-rī, nī ūrīa ūikaraga ehūgīte, na amenyereire nguo ciake, ndakae gūthī njaga, na onwo aconoke.

Atūmwo 1:11

Makīmoria atīrī, Inyuī andū a Galili, nī kī gītūmīte, mūrūgame mūcūthīrīirie Igūrū? Jesu, o ro ūcio watwarūo Igūrū oime harī inyuī, nīagacoka rīngī o ro ūguo mwamuona agīthī Igūrū.

## KIUGO KITA NGAI

**Thaburi 119:105**

Uhoru waku nĩ tawa ūmūrīka-  
gira makinya makwa, nĩ ūtheri  
ūrĩa ūnyonagia njira.

**II Timotheo 3:16**

Uhoru o wothe wandīkitwo  
Maandiko-inĩ nīwekīrirūo nĩ Ngai  
ngoro-inĩ ya mūwandiki, na wĩ  
na kīguni ūhoru-inĩ wa kūrutana,  
na wa kūmenyithia andū ūūru  
wao, na wa kūmakaania, o na wa  
kūmamenyeria mītūūrīre irĩa iri-  
ngaine na ūthingu.

**II Petero 1:21**

Tondū-rĩ, mohoro marĩa maa-  
narathwo, gūtiri ūrĩ woka o na

rĩ nĩ ūndū wa kwenda kwa mū-  
ndū: no andū nīmaaririe ūhoru  
uumite kwĩ Ngai, mataaritwo nĩ  
Robo Mūtheru.

**Thaburi 119:11**

Uuge waku nīndīwīgīire thīnĩ  
wa ngoro yakwa, ndikanae gū-  
kwīhia.

**Mathayo 22:29**

Nake Jesu akīmacokeria akī-  
mera, Mūkūhītia, nĩ ūndū mūtīūĩ  
Maandiko o na kana hinya wa  
Ngai.

**Luka 21:33**

Igūrū na thĩ nīgūgathira: no  
ciugo ciakwa itiri hīndī igathira.

Text reprinted from the Bible in Kikuyu by permission of the United Bible Societies Africa Regional Centre, Nairobi, Kenya.

---

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

World Missionary Press, Inc.  
P.O. Box 120  
New Paris, Indiana 46553-0120 USA

Kenya

12/94



41 Kikuyu

KIU